

《中國地方藝文薈萃》編委會 編

中國地方藝文薈萃

學苑出版社

華東卷·第八輯

華東卷·第八輯
捌

中國地方藝文薈萃

《中國地方藝文薈萃》編委會 編

貴州師範學院內部使用

當湖文繫初編二十八卷（三）

貴州师范学院内部使用

當湖文繫初編二十八卷（三）

（清）朱壬林纂輯

據清光緒十五年（一八八九）刻本影印

當湖文繫卷十目錄

卷第十 序

送胡瓊州序

明 沈 棨

送洗馬梁先生使安南詩序

明 屠 勳

贈山西參政趙君之任序

明 屠應垓

贈白子貞夫使韓藩序

屠應垓

贈郡守司馬公入覲序

屠應垓

送沈子宣知山陽序

屠應垓

催科不擾敘賀仙臺李侯

明 馮汝弼

送王司訓遷同官教諭序

明 王 梅

送滁大夫頤庵林子述職序

王梅

送戚將軍序

明 沈懋孝

貴筑萬君卿贈言一首

沈懋孝

贈納言通方趙公奉使魯藩序

代九卿作

沈懋孝

送劉夏金歸琴川序

國朝 周宏起

送榆林同知譚舟石應召入都序

代

國朝 陸棻

送陳秋田先生令荔浦序

國朝 盧生甫

送王介眉入都序

國朝 張雲錦

送賈公桓四川省親序

國朝 蔣元

送鄭又謙先生序

蔣元

送徐春帆之官廣東序

國朝 鍾晉

贈傅蘭齋序

國朝 朱為霖

損廬費先生八十壽序

國朝 陳謨

儀徵阮相國師七十壽序

國朝 朱為弼

朱茱堂先生六十壽序

國朝 張湘任

徐母張太恭人八十壽序

國朝 卜葆鈞

--	--	--	--	--	--	--	--	--	--

送胡瓊州序

沈 棨

今天子卽位之六年爲成化庚寅夏四月旣望地官郎中胡君
出守瓊州縉紳大夫士凡遊於君知瓊之風俗與其道里者咸
齎咨相謂以爲瓊莫服南海之外茫洋數千百里爲中國南陲
與他國相密邇凡商賈走四方貿易士登科目及薦舉而官於
朝者僅得他郡之十一至官於瓊者其往來必道於海載以巨
艦突波濤觸龍魚晝則窺日之出沒爲東西夜則視星斗知所
指嚮不幸而葬魚腹者蓋有之矣又其郡治陰陽家以爲不利
故官於瓊者自守以下受疾病之禍前後相望也眾以是惜君
予以眾惜君之言告君君曰嘻有是哉人各有命順受其正且

瓊多南金珠璣玳瑁犀象其產皆奇怪之物前之官於此者多
務貪得以厭耳目玩好口體奉養之欲吾聞之治世莫若愛民
養身莫若寡欲彼其淪溺於耳目口體之欲者宜其不足以養
身也今吾往也知愛民寡欲而已若夫道里之險遠地理之不
利豈知命者所計耶予以君之言質之眾眾憬然而悟遂書其
言爲行序

送洗馬梁先生使安南詩序

明屠勳

我國家受天明命君臨萬邦薄海內外凡九夷八蠻之在荒服之外者咸賓服就法度修職貢歲以爲常罔敢越志迺宏治戊午安南國王黎灝告終其攝國事灝子暉奉表輸琛請封于朝天子若曰安南越在夷徼稱藩有年其遣使持節往封告之朕意于時洗馬梁君叔厚特兼翰林侍講充正使給事王君文哲充副使賜麟衣優寵以行蓋簡命也朝之公卿大夫相率賦詩爲贈而以序屬予竊惟安南本漢南越地武帝置交阯郡暨五季丁氏始僭稱王更厯數姓宋元數加兵叛服不常至國朝大一統太宗文皇帝嘗以兵俘其王郡縣其地義以取之宣宗章

皇帝復立其故允俾世守臣職仁以予之蓋帝王馭夷仁義並行而興滅繼絕字小之恩一天地之覆載日月之照臨非區區宋元所能儷也安南雖蕞爾一國數十年來職貢必脩傳世必請君命之臨必畏天使之辱必敬亦不敢踵宋元之故轍所以繼絕世封保甯疆土以致有今日者良有自也夫龔封大禮也皇華重遣也苟用非其人其不辱君命而虧國體者幾希梁君東廣人以詩經發解魁禮闈入翰林官禁近日侍經幄啟沃聖心學博而才贍守正而氣充其達政務而能專對固餘事也茲特膺簡命而行司大禮必能語天朝以大字小之恩規安南以小事大之禮俾其畏天之威兢業自持懋績先猷勤循儀度則

所以祇若休命增重國體者在是而亦安南之所願聞者也然古者人臣之使於四方也必諏謀度詢使情可達於上澤不壅於下而後爲盡職安南去天朝萬里其山川之所經舟車之所歷遐陬僻壤之交桂嶺炎海之外風俗異同閭閻休戚夷獠出沒土官爭敝凡觸于耳目而有梗於中者其可使抑鬱而不得伸耶仲之以達其情流其澤而仰副聖明求治汲汲之盛心非梁君之望而誰望也抑又聞昔者宣王命樊侯仲山甫築城於齊而尹吉甫作詩送之旣備舉其德又備舉其職而又必曰衮職有關惟仲山甫補之又必曰式遄其歸仲山甫永懷以慰其心蓋謂賦政于外雖山甫之職而保王躬補王闕尤其所急然

則今日諸公送行之什謂非吉甫作詩之意而何所謂過歸永
懷者君其可忽之乎梁君熟於詩而當重遣故復申之以此而
亦諸公送行祝願之意也是爲序

贈山西參政趙君之任序

明屠應垓

屠應垓曰予幼侍先大夫先大夫稱鄉之賢則數數道趙君矣稍長從諸兄遊諸兄又無不兄事趙君者比進給事中敢諫諍章數十上時予爲諸生傳而觀焉侃侃烈烈風嘯霆擊而矢馳靡弗中也而又值今上改元飭新政予謂趙君當遭時而嚮用乃疏居疾于家者數歲而起還故官擢都給事則趙君第進士逾二十年而給事亦十年逾矣顧又疏觸諸權貴于是諸權貴視趙君猶仇也而趙君獨毅弗畏顧乃都給事率望內卿佐而趙君獨不憚外逮茲擢也則予告曰夫屏藩貳政紆黃而拖朱參政官不卑矣予位浮之是懼屠應垓出謂人曰賢哉趙君持

其素將奚弗宜也夫奚有于是矣或進曰吁夫趙君故爲推官也明也是擊奸又暴刑罰之司也其給事也良也是宣幽摘伏悉忠而翼德諍承之所揆也夫參政綏誠以保民矩度以則賦易刑而惠釋內而外是其列殊矣而山西又天下之北陲也民悍而賦瘠風土異焉卽趙君抑又能明若良也屠應竣曰否子不觀夫今之內任者與循知葆身繫祿而畜望與時趨焉以幸其久而崇也卽與之言外則懊燥而弗豫聞是故政未蒞而志隳未乂民而先棄之乃其尹政與民也又奚得不弛以怠也賢哉趙君居職而務舉其以諫忤弗懼也乃怡怡不憚外又茲敏敏焉浮位之憂是故政未蒞而志精未乂民而先愛焉則其尹